



## Հովհաննես Շիրազ

### Կինը աստծո հարսն է

Կինը աստծո հարսն է, ասին,  
Աստծո գինու թասն է, ասին,  
Ա՛խ, չէ, աստծո հարճն է կինը,  
Աստծո գինու փարչն է կինը:

Աստծո գինին անմահական՝  
Հարբեցնում՝ աստծուն անգամ,  
Սուրբ գրկի մեջ աստվածային,  
Ծախվում է միշտ սատանային...

Այնինչ, որպես իր մորն արթուն՝  
Աստված էլ է մորը պաշտում:  
Լռիր, անմիտ սիրտ իմ անհաշտ,  
Մեղք է մայրս աստվածապաշտ:

Ինչո՞ւ ընկնես մորս աչքից,  
Ո՞նց ձեռք քաշենք այն հրաշքից,  
Որ մեծ մայրն է մորս կյանքի,  
Հրաշք մայրն է տիեզերքի: